

ዮሃንስ ጸፊዳ ኮይሮ ኪታ ጊደ ቆፋ

ዮሃንስ ኮይሮ ዩዲዳ ኪታዛን ናሞኡ አይፌ ዮቲ ዳቲስ፤ ሄይቲካ ሄ ኪታዛ ናባቢዛይታስ ጸሳራኔ ጸሳ ና ዩሱስ ኪርሰቶሳራ ኢሲፌቴሉ ዳኣና ማላ ኢስታ ሚንጹላናሲኔ ሄሳ ሄ ኢሲፌቴላ ጳይሲዛ ዋርዶ ቲሚርቴፌ ኢስቲ ናጌታና ማላሳ። ሃይሲ ኪታይ ጸፊቲዛ ዋዴ ሄ አላሜዛ ቦላ ኬሂ ኢታ ዋርዶ ቲሚርቴይ ዳስ፤ ሄ ቲሚርቴዚካ ኢሲ ኢሲ አማኒዛ አሳታ አማኖፔ ካሬ ኬሲዳስ፤ ሄ ዋርዶ አስታማሬቲ ታማርሲዛ ኢታ ቲሚርቴይ 1. «ጸሲ አያና አላሜ ጸላ ሜጲዳስ። 2. ሃይሳ ሃ አላሜዛን ዲዛ አይፌን ቤቲዛ ሚሽ ኡባኔ ኑ አሳቲላ ጸሲ ሜጲቤና፤ ሄሳ ገሻስ ሄ ሜጲቴላቲ ወሪካ ኢታ ጸላ። 3. ሃይሲ አይፌን ቤቲዛ አላሜዚኔ ኑ አሳቲላይ ኑ አያና ቆሃናሲኔ ቲኒሳናስ ዳንዳዬና።» ሄሳ ጉሲ። «ኮይሮ ጸሳፌ ዩዳ ዩሱሳስ አሳ አሳቴሉ ዳና፤ ቃሴካ ናሞኣንሶራ ኢሳዳይ ሃራ አሳ ቦላ ናጋራ ኦሊኮኔ ኢዚ ሃራ አስ ኢጲኮ ሄሳዴ ኦሶዚ ኢዛ አያና ቆሃናሲኔ ቲኒሳናስ ዳንዳዬና» ጉሳ። ሄይቲ ሄ አስታማሬቲ። «አቶቴላ ጉሲ ሃይሳ አላሜዛ ዱሳስ ቆፖንታ እኅ ኮሼስ» ጌ ታማርሴቲስ። ሄሳራካ ጋሉዲ። «ሎኑ ኦሶን ጌዲን ዋይኮ አሴ ሲቆይ ሙሉካ ኮሼና» ጌ ታማርሴቲስ።

ሄሳ ገሻስ ዮሃንስ ባ ኪታን። «ሄሳሶ ዋርዶ ቲሚርቴይ ቱሙ አማኖ ቲሚርቴፌ ካሬ ጌዲዳይሳ ታማርሴስ፤ ሄሳ ሄ ቲሚርቴዛ ኢጸን ዩሱስ ኪርሰቶሲ ኩሜላራ አሴኮ፤ ዩሱሳን አማኒዛይቲኔ ጸስ ሲቁዛይቲ ወሪካ ባ ጋርሳን ኢሶይ ኢሳራ ሲቁታናስ ቤሴስ» ጌዲ ኤሪሲዳስ። ቃሴካ ዩሱሲ ቱማፔ አሳ አሾ ማይኢዳይሳኔ ዩሌቲዳይሳ ካዲዛዳይ ጸሳፌ ዩሌቲቤና። (4:2-3) ጎዳ ጸሳፌ ዩሌቶንታዳይ ቃሴ ጸሳፌ ጌዲዳዴ ሲቃናስ ዳንዳዬና፤ ጸሳፌ ዩሌቲዳዳይ ኡባ ዋዴ ናጋራን ዴኣናስ ዳንዳዬና። (3:10)

ሃ ማጻፋይ ኦይኪዳ ኩሜላ ቆፋ

ጌሎሶ 1:1-4

ፖኦኔ ጳ.ማ 1:5—2:29

ጸሳ ናይታኔ ጸላኤ ናይታ 3:1-24

ቱማኔ ዋርዶ 4:1-6

ቱሙ ሲቆ 4:7-21

ጸኒዛ አማኖ 5:1-21

ዴኦ ቃላ

¹ ዴኦ ቃላ ጊሻስ ኮይሮፔ ዲዛይሳ ኮኒ ኑ ሃይላን ሲዪዲይሳኔ ኑ ኣይፌራ ቤኢዲይሳ ሎኤሊ ዴሊዲይሳ፥ ኑ ኩሼራ ኦይኪ ቤኢዲይሳ ጊሻስ ሃሳዮስ።

² ዴኦይካ ቆንጨዴስ፤ ኮኒካ ኑ ኣይፌራ ቤኢዲ ማርካቶስ። ኢዛስ ኢዛ ኣዋ ኣቻን ዲዛይሳኔ ኑስካ ቆንጨዲ ሜርና ዴኦ ጊሻስ ኑ ኢንቴስ ዮቶስ።

³ ኢንቴስካ ኑናራ ኢሲፌቴሊ ዳና ማላ ኮኒ ቤኢዲይሳኔ ሲዪዲይሳ ኢንቴስ ዮቶስ፤ ኑ ኢሲፌቴላይካ ኣዋራኔ ኢዛ ና ዬሱስ ኪርሰቶሳራ።

⁴ ኑ ኡፋይሳይ * ኩሜሐ ጊዳና ማላ ኑ ሃይሳ ኢንቴስ ጸፎስ።

ፖኦን ሲሜሬቴሐ

⁵ ኑ ኢዛፔ ሲዪዲ ኢንቴስ ዮቲዛ ኪታይ፥ «ጸሲ ፖኦ፤ ኢዛ ኣቻን ሙሊካ ቋማይ ዴና» ጊዛይሳ።

⁶ «ኑ ቋማን ሲሜሬቴሼ ኢዛራ ኑስ ኢሲፌቴሊ ዴስ» ጊኮ ዋርዶቶስ ኣቲን ቱማን ዶኮ።

⁷ ጊዶ ኣቲን ኢዚ ፖኦን ዲዛ ማላ ኮኒካ ፖኦን ሲሜሬቴኮ ኑ ጋርሳን ኑስ ኢሲፌቴሊ ዴስ፤ ኢዛ ና ዬሱስ ኪርሰቶሳ ሱሊ ኑና ናጋራ ኡባፌ ጌሼስ።

⁸ ኮኒ ኑናን ናጋራይ ባ ጊኮ ኑርካ ኑና ባሌሶስ፤ ቱማይካ ኑናን ዴና።

⁹ ኮኒ ኑ ናጋራ ፓጺኮ ኢዚ ኑ ናጋራ ኣቶ ጋናሲኔ ኑ ቆሆፔ ኑና ወርሲ ጌሻናስ ኢዚ ኣማኔቲዳዴኔ ጸሎ።

¹⁰ ኮኒ ናጋራ ኦሊቤኮ ጊኮ ኢዛ ኑ ዋርዳንቻ ኬሶሲኔ ኢዛ ቃላይካ ኑናን ዴና።

2

¹ ታ ናይቶ! ታ ኢንቴስ ሃይሳ ጸፊዛይ ኢንቴ ናጋራ ኦሶንታ ማላሳ፤ ጊዶ ኣቲን ኮኒካ ናጋራ ኦሊኮ ኣዋ ኣቻን ኑስ ጸባቃይ ዴስ፤ ኢዚካ ጸሎዛ ዬሱስ ኪርሰቶሳ።

² ኢዚ ኑ ናጋራይ ኣቶ ጌቲታና ማላ ኦጌ ጊግሲዛዴ፤ ሄሲካ ኑና ጸላ ጊዶንታ ኩሜላ ኣላሚ ኣሳሳራ ኣቲን ኑስ ጸላ ጊዴና።

³ ኑ ኢዛ ኣዛዞታ ፖሊኮ ኑ ኢዛ ኤሪዲይሳ ሄሳን ኤርስ።

1:1 ዮሃ 1:1 1:2 ዮሃ 1:14 * 1:4 ኑ ኡፋይሳይ፡ ኑ ኡፋይሳይ ጊዛይሲ ኢሲ ኢሲ ቢርሼላታን ኢንቴ ኡፋይሳይ ጌቲቲዴስ።

4 «ታ ኢዛ ኤራይስ» ጊሼ ኢዛ ኣዛዞ ፖሎንታዴ ጊዲኮ ሃሳዴይ ዋርዶ ኣሳ ኣቲን ቱማይ ኢዛዴን ዴና።

5 ቃሴ ኦኒካ ኢዛ ቃላ ናጊኮ ቱሙ ጸሳ ሰቆይ ኢዛዴን ፖሎቲዴስ፤ ኦኒ ኢዛን ዲዛይሳ ኑ ኤሪዛይ ሃሳና።

6 ታ ኢዛን ዴይስ ጊዛ ኣሲ ኦኒካ ዬሱሲ ሰሜሬቲዳ ማላ ሰሜሬታናስ ቤሴስ።

ኦራሳ ኣዛዞ

7 ታ ሲቆቶ! ታ ኢንቴስ ጸፊዛይሲ ካሴ ኢንቴስ ዲዛሮ ኢንቴሶን ጋሞኢዳ ኣዛዞኖ ኣቲን ሃራ ኦራሳ ኣዛዞ ጊዴና፤ ጋሞኢዳ ኣዛዞያ ካሴ ኢንቴ ሲዪዳ ቃላኖ።

8 ሃራ ባጋራ ታ ኢንቴስ ጸፊዛይ ኪርሰቶሳ ኣቻኒኔ ኢንቴ ኣቻን ቱሙ ጊዲዳ ኦራሳ ኣዛዞ፤ ጋሶይካ ቋማይ ኣጂን ቱሙ ፖኦይ ፖኢሲሼ ዴስ።

9 ፖኦን ዴይስ ጊሼ ባ ኢሻ ኢዲዛዴይ ሃኢካ ቋማን ዴስ።

10 ባ ኢሻ ሲቂዛዴይ ፖኦን ዴስ፤ ሃሳዴስ ቋጹ ጊዲዛ ሚሺ ዴና።

11 ጊዶ ኣቲን ባ ኢሻ ኢዲዛዴይ ጊዲኮ ቋማ ጊዶን ዴስ፤ ቋማን ሰሜሬቲስ፤ ቋማይ ኢዛ ቆቂሲዳ ጊሻስ ኢዚ ኣዋ ቢዛኮኔ ባ ቢዛሶ ኤሬና።

12 ታ ናይቶ! ኢንቴ ናጋራይ ዬሱስ ኪርሰቶሳፕ ዴንዲዴይሳን ኣቶ ጌቲቲዳ ጊሻስ ታ ኢንቴስ ጸፋይስ።

13 ኣዋቶ! ካሴ ኮይሮፔ ዲዛይሳ ኢንቴ ኤሪዛ ጊሻስ ታ ኢንቴስ ጸፋይስ፤ ናቲላቶ! ኢንቴ ጸላኤ ጸኒዳ ጊሻስ ታ ኢንቴስ ጸፋይስ።

14 ናቲላ ናይቶ! ኢንቴ ኣዋ ኤሪዳ ጊሻስ ታ ኢንቴስ ጸፋይስ፤ ኣዋቶ! ኮይሮፔ ዲዛይሳ ኢዛ ኢንቴ ኤሪዳ ጊሻስ ታ ኢንቴስ ጸፋይስ። ናቲላቶ! ኢንቴ ሚኖታ ጊዲዳ ጊሻሲኔ ጸሳ ቃላይ ኢንቴናን ዲዛ ጊሻስ ኢንቴ ጸላኤ ጸኒዳ ጊሻስ ታ ኢንቴስ ጸፋይስ።

ኣላሜ ዶሶፒቲ

15 ሃይሳ ኣላሜዛ ዋይኮ ሃ ኣላሜዛን ዲዛ ኣይ ሚሼካ ዶሶፒቲ፤ ኦኒካ ሃ ኣላሜዛ ዶሲኮ ኣዋ ሲቆይ ኢዛዴ ኣቻን ዴና።

16 ጋሶይካ ሃ ኣላሜዛን ዲዛይ ዉሪ ኣሾ ኣሞቴሉ፤ ኣይፌስ ሎኦኔ ዴሳን ጨቄቲሉ፤ ሃይቲ ኣላሜፔ ኣቲን ጸሳ ኣዋፔ ዪዛይታ ጊዴቲና።

17 ኣላሜይኔ ኣላሜን ዲዛ ኣሞቴሉ ኣቆና፤ ጸሳ ሼኔ ፖሊዛይቲ ጊዲኮ ሜርናስ ዴና።

ከርስቶሳራ ኤቄቲዛይታፔ ናጌቴል

18 ናይቶ! ሃይሲ ወርሴላ ሳቴ፤ እንቴ ሲዪዳ ማላ ከርስቶሳራ ኤቄቲዛይ ያና፤ ሃኢካ ከርስቶሳራ ኤቄቲዛ ዳርቲ ዪዳ። ሃይሲ ወርሴላ ሳቴ ጊዲዳይሳ ኑ ሃይሳን ኤርሰ።

19 ኢሰቲ ኑ ጊዶፌ ኬዚዳ፤ ጊዶ ኣቲን ኢሰቲ ካሴካ ኑ ባጋ ጊዴቴና፤ ኢሰቲ ኑ ባጋ ጊዲዳኮ ኑናራ ሚኒ ኤቃና፤ ጊዶ ኣቲን ኢሰቲ ወሪ ኑ ባጋ ጊዶንታይሲ ኤፊታና ማላ ኑፔ ሻኬቲዳ።

20 እንቴና ቃሴ ከርስቶሲ ጸሎ ኣያናን ቲይዴሰ፤ ሄሳ ጊሻሰ እንቴ ወሪካ ቱማ ኤፊታ።

21 ታ እንቴሰ ጸፊዛይ እንቴ ቱማ ኤርንታ ጊሻሰ ጊዴና፤ ጊዶ ኣቲን እንቴ ቱማ ኤሪዛ ጊሻሲኔ ቱማ ጋርሳፌ ኣይኮ ዋርዶይካ ቤቶንታይሳ እንቴ ኤሪዛ ጊሻሳ።

22 ዬሱሳ ኢዚ ከርስቶሳ ጊዴና ጊ ካዲዛዴፌ ሃራ ዋርዳንቻይ ኦኔ? ሄሳዴይ ኣዋኔ ናዛ ካዲዛይሲ ከርስቶሳራ ኤቄቲዛዴ።

23 ናዛ ካዲዛዴሰ ኦናሰካ ኣዋይ ዴና፤ ናዛ ኤኪዛዴሰ ኡባሰ ኢዛሰ ኣዋይ ዴሰ።

24 እንቴ ኮይሮ ሲዪዳ ቃላያ እንቴናን ዱ፤ እንቴ ኮይሮ ሲዪዳራ እንቴናን ዲኮ እንቴካ ናዛኒኔ ኣዋን ዳና።

25 ሜርና ዴኦይ ኢዚ ኑሰ ኢማና ጊዳ ሂዶታ ቃላ።

26 እንቴና ባሌሊዛ ኣሳታ ጊሻሰ ሃይሳ እንቴሰ ጸፋዲሰ።

27 እንቴ ቃሴ ኢዛፔ ኤኪዳ ጸሎ ኣያናይ እንቴናን ዲዛ ጊሻሰ ሃራይ ኦኒካ እንቴና ታማርሳናሰ ቤሴና፤ ኢዚ እንቴና ታማርሳናይሲ ቱማ ኣቲን ዋርዶ ጊዴና፤ ሄሳ ጊሻሰ ጸሎ ኣያናይ እንቴና ታማርሲዳ ማላ ከርስቶሳን ዴኢቲ።

28 ሃኢ ታ ናይቶ! ኢዚ ቆንጪዛ ዋዴ ኑሰ ጸላቴሊ ዳና ማላ ኢዚ ዪዛ ዋዴካ ኑ ኢዛ ሲንፋን ዬላቶንታ ማላ እንቴ ኢዛን ዴኢቲ።

29 ኢዚ ጸሎ ጊዲዳይሳ እንቴ ኤሪዛ ጊዲኮ ጸሎ ኦሊዛይ ወሪ ኢዛፔ ዬሌቲዳይሳ እንቴ ኤፊታ።

3

ጸሳ ናይታ

1 ኩኒ ጸሳ ናይታ ጌቲታና ማላ ኣዋይ ዳርሲ ሲቂዳ ኢዛ ሲቆይ ኑሰ ኣይ ማላ ጌታኮኔ ኣኔ ቤኢቲ! ቱሙካ ኑ ኢዛ ናይታ፤ ኣላሜይ ኑና ኤርንታ ኣጊዳይ ኢዛ ኤርንታ ኣጊዳ ጊሻሳ።

² ታ አሻቶ! ኑኒ ሃኢ ጸሳ ናይታ፤ ቡሮ ኑ ኣይ ሃናና ሃኢ ቆንጪቤና፤ ኪርሰቶሲ ቆንጪዛ ዎዴ ኑ ኢዛ ቤያናይሳኔ ኢዛካ ሚሳታናይሳ ኑ ኤሮስ።

³ ሃይሳ ኢዛን ሂዶታ ኦሊዛይ ወሪ ኢዚ ጌሽ ጊዲዳ ማላ ባና ጌሼስ።

⁴ ናጋራ ኦሊዛይ ወሪካ ማካላ ኦሌስ፤ ናጋራይካ ማካላ።

⁵ ኢዚ ናጋራ ጳይሳናስ ቆንጪዳይሳ አንቲ ኤሬታ፤ ኢዛን ናጋራይ ባዋ።

⁶ ኢዛን ዲዛ አሲ ኦኒካ ናጋራ ኦሌና፤ ናጋራ ኦሊዛይይ ኦኒካ ጊዲኮ ኢዛ ቤዪቤና ዎይኮ ኤሪቤና።

⁷ ታ ናይቶ! አንቴና ኦኒካ ባሌቶንታ ማላ ናጌቲቲ፤ ኢዚ ጸሎ ጊዲዳ ማላ ጸሎ ኦሊዛይይካ ጸሎ።

⁸ ናጋራ ኦሊዛይ ጸላኤ፤ ጋሶይካ ጸላኤይ ኮይሮፔካ ናጋራ ኦሊዛይ፤ ጸሳ ናይ ቆንጪዳይካ ጸላኤ ኦሶ ላላናሳ።

⁹ ጸሳፌ ዬሌቲዳይ ወሪ ናጋራ ኦሌና፤ ጸሳ ዜሬሊ ኢዛን ዲዛ ጊሻሲኔ ኢዚ ጸሳፌ ዬሌቲዳ ጊሻስ ናጋራ ኦላና ዳንዳዬና።

¹⁰ ጸሳ ናይቲኔ ጸላኤ ናይቲ ሻኬቲ ኤሬቲዛይ ሄሳና፤ ጸሎ ኦቶንታይኔ ባ አሻ ሲቆንታይ ወሪ ጸሳፌ ጊዴና።

ኢሶይ አሳራ ሲቄቴል

¹¹ አንቲ ኮይሮ ሲዪዳራ፡ «ኑኒ ኑ ጋርሳን ሲቄታና ቤሴስ» ጌቲቲዳ ኪታያ ሃኖ።

¹² ኢታ ባጋ ጊዲዲ ባ አሻ ዎዲዳ ቃዬሌ ማላ ጊዶፒቲ፤ ኢዚ ኣዛስ ዎዲዳ? ጋሶይካ ኢዛ ኦሶይ ኢታ፤ አሻ ኦሶይ ሎኦ ጊዲዳ ጊሻሳ።

¹³ ታ አሻቶ! አንቴና ኣላሜ ኣሳይ ኢጲኮ ማላሌቶፍቲ።

¹⁴ ኑኒ ኑ አሻታ ዶሲዛ ጊሻስ ሃይቆፔ ዴኦን ፒኒዳይሳ ኑ ኤሮስ፤ ሲቆይ ባይንዳዴይ ወሪ ሃይቆ ጊዶን ዴስ።

¹⁵ ባ አሻ ኢጲዛዴይ ሼምፖ ዎዲዳ ኣሳ ማላ፤ ሼምፖ ዎዲዳዴስ ሜርና ዴኦይ ባይንዳይሳ አንቲ ኤሬታ።

¹⁶ ዬሱስ ኪርሰቶሲ ባ ሼምፖ ኑ ጊሻስ ኣሊ ኢሚዳ ጊሻስ ሲቆይ ኣዛኮ ኑ ሄሳን ኤሮስ፤ ኑኒካ ኑ ሼምፖ ኑ አሻታ ጊሻስ ኣሊ ኢማናስ ቤሴስ።

¹⁷ ሚሺ ዲዛዴይ ኦኒካ ባ አሻይ ዋይቲሺን ቤኢዲ ኢዛስ ሚሼቶንታ ኣጊኮ ጸሳ ሲቆይ ኢዛን ዋኒ ዳኔ?

18 ታ ናይቶ! ቱሙ ኦሶንፔ ኣቲን ሙ ደናኒኔ ቃላን ጸላ ሲቄቱሉ ኣኔ ኣጎሰ።

19 ኦኒ ቱሙ ባጋ ገዲዲይሳ ሃይሳን ኤርሲኔ ኦ ዋዚናካ ኢዛ ሲንሳን ሸምፒሶስ።

20 ሄሲካ ኦ ዋዚናይ ኦ ቦላ ፒርዲዛ ሚሻን ኡባን ጸሲ ኦ ዋዚና ቆፋፔ ቦላራ ገዲዲ ገሻሰ ኢዚ ኡባ ኤሬሰ።

21 ታ ኢሻቶ! ኦ ዋዚናይ ኦ ቦላ ፒርዶንታ ኣጊኮ ኦና ጸላ ሲንሳን ያሺሳና ሚሺ ዴና።

22 ኦኒ ኣዛዞታ ናጊዛ ገሻሲኔ ኢዛ ኡፋይሲዛዝ ኦፊዛ ገሻሰ ኦ ኢዛ ዋሲዛዝ ወርሲ ኦ ኢዛፔ ኤካና።

23 ኢዛ ኣዛዞይካ ኦ ኢዛ ናዛ ዬሱስ ኪርሰቶሳ ኣማናናሲኔ ኢዚ ኦና ኣዛዚዳ ማላ ኦኒ ኦ ገዶን ደሴታና ማላሳ።

24 ኢዛ ኣዛዞታ ናጊዛይቲ ወሪ ኢዛን ዴቱስ፤ ኢዚካ ኢሰታን ዴስ፤ ኢዚ ኦናን ዲዛይሳ ኦ ኢዚ ኦስ ኢሚዳ ኣያናን ኤርሰ።

4

ኣያና ፓጪ ዬሎ

1 ታ ኢሻቶ! ኣያና ወርሲ ኣማኖፒቲ፤ ገዶ ኣቲን ኣያናቲ ጸላፊኮኔ ፓጪ ዬሊቲ፤ ጋሶይካ ዳር ዋርዶ ናቤቲ ቢታ ቦላ ላሌቲዳ።

2 ኢንቲ ጸላ ኣያና ኤራና ኦጌይ፥ «ዬሱስ ኪርሰቶሲ ኣሳ ኣሾ ማይኢዲ ዬዴስ» ጊዛ ኣያናይ ወሪ ጸላፊኮ!

3 «ዬሱስ ኪርሰቶሲ ኣሳ ኣሾ ማይኢዲ ዬዴስ» ጎንታ ኣያናይ ጸላፊ ገዴና፤ ካሴ ኢዚ ያና ገሺን ኢንቲ ሲዬዳ ኪርሰቶሳራ ኤቄቲዛ ኣያናይ ሄሳ፤ ሃኢካ ኢዚ ኣላሜ ቦላ ዴስ።

4 ታ ናይቶ! ኢንቲ ጸላይታ፤ ኢንቲ ኢሰታ ጸኒዴታ፤ ጋሶይካ ኢንቲናን ዲዛይ ኣላሜን ዲዛይሳፊ ኣዴስ።

5 ኢሰቲ ኣላሜ ባጋኮ፤ ሄሳ ገሻሰ ኢሰቲ ሃሳይዛይ ወሪ ኣላሜፔ ኬዚዛይሳ፤ ኣላሜ ኣሳይ ኢሰቲ ገዛይሳ ሲዬሰ።

6 ኦኒ ገዲኮ ጸላ ባጋ፤ ጸሰ ኤሪዛይ ኦ ገዛይሳ ሲያናሺን ጸላ ባጋ ገዶንታዴይ ገዲኮ ኦ ገዛይሳ ሲዬና። ቱሙ ኣያናኔ ዋርዶ ኣያና ኦ ሻኪ ኤሪዛይ ሃይሳና።

ጸላ ሲቆ

7 ታ ኢሻቶ! ሲቆይ ጸላፊ ገዲዲ ገሻሰ ኦኒ ኣኔ ሲቄቶሰ፤ ኣስ ሲቄዛ ኣሲ ወሪ ጸላፊ ዬሌቲዳዴኔ ጸሰ ኤሪዛዴ።

8 አስ ሲቆንታ አሲ ጸስ ኤሬና፤ ጋሶይካ ጸሲ ሲቆ።

9 ጸሳይ ኑ ጊዶን ባ ሲቆ ቆንጨሲዳይ ኑ ኢዛ ባጋራ ዴኦ ዴማና ማላ ባ ና ኢሲኔዛ ሃ ዴጌ ሃ አላሜዛን ዬዲዳይሳና።

10 ኑኒ ጸስ ሲቁቤኮ ሺን ኢዚ ኑና ሲቁዴስ፤ ኑ ናጋራ ጳይሳና ማላ ባ ናዛ ዬዲዴስ፤ ሲቆ ጉሲካ ሄሳ።

11 ታ አሻቶ! ጸሲ ኑና ሃይሳሶ ሲቁኮ ኑኒካ ኑ ጊዶን ሲቁታናስ ቤሴስ።

12 ጸስ ቤኢዳ አሲ ኦኒካ ባ፤ ኑኒ ኑ ጊዶን ሲቁቲዛ ጊዲኮ ጸሲ ኑናን ዳና፤ ኢዛ ሲቆይካ ኑናን ፖሌታና።

13 ኢዚ ኑስ ባ አያና አሚዳ ጊሻስ ኑ ኢዛን ዲዛይሳኔ ኢዚካ ኑናን ዲዛይሳ ኑ ሄሳን ኤሮስ።

14 አዋይ ባ ናዛ ሃይሳ ሃ አላሜ አሳ አሻናስ ዬዲዳይሳ ኑ ቤኢዴሲኔ ኢዛ ጊሻስ ማርካቶስ።

15 ዬሱሲ ጸሳ ና ጊዲዳይሳ አማኒዲ ማርካቲዛ ኡባን ጸሲ ዴሲኔ ኢዛዴይካ ጸሳን ዴስ።

16 ሄሳ ጊሻስ ጸሲ ኑና ሲቁዛ ሲቆ ኑ ኤሮስ፤ ኑ ኢዛ ሲቆን አማኔቶስ፤ ጸሲ ሲቆ፤ ሲቆን ዲዛዴይ ጸሳን ዴስ፤ ጸሲካ ሄሳዴን ዴስ።

17 ኑኒ ሃይሳ ቢታ ቦላ ዴኢዛይ ከርስቶሲ ዴኢዳ ማላ ጊዲዳ ጊሻስ ኑስ ፒርዳ ጋላስ ባቦይ ዴና፤ ሄሳንካ ሲቆይ ኑናን ኩሜል ጊዴስ።

18 ሲቆ ጊዶን ባቦይ ባ፤ ቱሙ ሲቆይ ጊዲኮ ባቦ ኬሲ ዎራ ዬጌስ፤ ባቦይ ቁጽቴራ ኢሲፌ ኦይኬቲ ዴስ፤ ባቢዛዴ ሲቆይ ኩሜል ጊዴና።

19 ኢዚ ካሴቲዲ ኑና ሲቁዳ ጊሻስ ኑኒካ ኢዛ ሲቆስ።

20 ኦኒካ ጸስ ሲቃይስ ጊሼ ባ አሻ ኢጲኮ ሄሳዴይ ዎርዳንቻ፤ ባ አይፌራ ቤኢዛ ባ አሻ ሲቆንታ አሲ ባ አይፌን ቤኦንታ ጸሳ ሲቃናስ ዳንዳዬና።

21 «ጸስ ሲቁዛ አሲ ወሪካ ባ አሻ ሲቃናስ ቤሴስ» ጊዛ ሃ አዛዞዛ ኢዚ ኑስ አሚዴስ።

5

ጸሳ ናን አማኖ

1 ዬሱሲ ኢዚ ከርስቶሳ ጊዲዳይሳ አማኒዛይ ወሪ ጸሳፌ ዬሌቲዴስ። አዋ ዶሲዛይ ወሪ ናዛካ ኢዛሶ ዶሴስ።

2 ኑኒ ዳሰ ደሲኮኔ ኢዛ ኣዛዞ ናጊኮ ኑኒ ዳሳ ናይታ ሲቁዛይሳ ሄሳን ኤርሰ።

3 ዳሳ ደሶ ጉሲ ኢዛ ኣዛዞ ናጊ፤ ኢዛ ኣዛዞቲ ዴጾ ጊዴቲና።

4 ጋሶይካ ዳሳፌ ዩሌቲዳይ ወሪ ኣላሚ ዳኔሰ፤ ኣላሚ ዳኒዛይካ ኑ ኣማና።

5 ዩሱሲ ዳሳ ና ጊዲዳይሳ ኣማኒዛዴፌ ኣቲን ኣላሚ ዳኒዛይ ሃራይ ኦኔ?

6 ሃላኒኔ ሱላን ዩዳይ ሃይሳ ዩሱሰ ኪርሰቶሳ፤ ኢዚ ሃላኒኔ ሱላን ዩዴሰ ኣቲን ሃላን ዳላ ዩቤና፤ ሄሳካ ኢዛ ጊሻሰ ማርካቲዛይ ኣያና፤ ሄ ኣያናይ ቱሙ ኣያና።

7 ሄሳ ጊሻሰ ኢዛሰ ሄዙ ማርካቲ ዴቲሰ።

8 ሄይቲካ ኣያና፤ ሃሌኔ ሱላ፤ ሄዛታ ቃላይካ ኢሲና።

9 ኑ ኣሳ ማርካቲላ ኣማኒኮ ዳሳ ማርካቲላ ሄሳፌ ኣዴሰ፤ ሄሲካ ኢዚ ባ ናዛ ጊሻሰ ኢሚዳ ዳሳ ማርካቲላ።

10 ዳሳ ናን ኣማኒዛ ኡባ ዋዚናን ኢዛ ጊሻሰ ማርካቲላ ዴሰ፤ ዳሰ ኣማኖንታይ ወሪካ ዳሲ ባ ናዛ ጊሻሰ ኢሚዳ ማርካቲላ ኣማኖንታ ጊሻሰ ኢዛ ዋርዶሴሰ።

11 ኢዛ ማርካቲላካ ዳሲ ሜርና ዴኦ ኑሰ ኢሚዴሰ፤ ሄ ዴኦይካ ኢዛ ናዛን ዴሰ ጊዛይሳ።

12 ናዚ ዲዛዴሰ ዴኦይ ዴሰ፤ ዳሳ ናይ ባይንዳዴሰ ዴኦይ ዴና።

ኩሻ ቆፋ

13 ኢንቴሰ ዳሳ ናን ኣማኒዛይታሰ ሜርና ዴኦይ ዲዛይሳ ኢንቴ ኤራና ማላ ታ ሃይሳ ኢንቴሰ ዳፋይሰ።

14 ኑ ዳሳ ሲንሐ ሺቃናሰ ኑሰ ዲዛ ዳላቴላ ሃይሳ፤ ኑ ኣይ ሚሺካ ኢዛ ሺኔ ማላ ዋሲኮ ኢዚ ኑ ዋሳ ሲያና።

15 ኑ ኢዛ ዋሲዛ ሚሽ ኢዚ ኡባ ሲዩዛይሳ ኑ ኤሪዛ ጊዲኮ ኑ ዋሲዳ ሚሻ ኡባ ኤካናይሳ ኑ ኤርሰ።

16 ኦኒካ ባ ኢሻይ ባና ሃይቆሰ ጋሶንታ ናጋራ ኦሊሺን ቤዩኮ ኢዛሰ ዋሶ፤ ዳሲካ ሃይቆሰ ጋሶንታ ናጋራ ኦሊዳይታሰ ዴኦ ኢማና፤ ሃይቆሰ ጋሊዛ ናጋራይካ ዴሰ፤ ሃይቆሰ ጋሊዛ ናጋራ ጊሻሰ ዋሶ ጊኬ።

17 ማካላይ ወሪካ ናጋራ፤ ሃይቆሰ ጋሶንታ ናጋራይካ ዴሰ።

18 ዳሳፌ ዩሌቲዳይ ወሪ ናጋራ ኦሌና፤ ጋሶይካ ዳሳ ናይ ኢዛ ናጊዛይሳኔ ኢታይ ኢዛ ቦቾንታይሳ ኑ ኤርሰ።

19 ኑኒ ዳሳፌ ጊዲዳይሳኔ ኣላሚይ ኩሜሐ ኢታ ኣሳ ኩሼን ዲዛይሳ ኑ ኤርሰ።

20 ጸሳ ናይ ዪዳይሳኔ ኮኒ ቱማ ጸሳ ኤራና ማላ አኬካ ኢዚ ኦሰ ኢሚዳይሳ ኦ ኤርሰ፤ ኦኒካ ቱሙ ጊዲዳ ኢዛ ናዛ ዬሱሰ ኪርሰቶሳን ዶሰ፤ ኢዚካ ቱሙ ጸሳኔ ሜርና ዴኦ።

21 ናይቶ! አንቴናቴላ ኤቃታፔ ናጊቴ።

ጌሻ ማጸፋ

Gamo: ጌሻ ማጸፋ Bible of Ethiopia, Ethiopic script

copyright © 2024 The Word for the World International

Language: Gamotso (Gamo)

Contributor: The Word for the World Northern Africa

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

d0ee6825-f93e-584e-8c8f-567d8d068e4b